

A colorful illustration of a young boy with brown hair and freckles, wearing a yellow shirt. He is looking upwards with a curious expression. Behind him is a shelf filled with books of various colors and patterns, including red and white checkered ones, a blue one, and a purple one. The background is a solid pink.

Woröm blieven all die Lück doheim?

E Boch övver die
Pandemie för Pänz



Kim luurt us dem Finster.



Et es ene richtich schöne Daach.
Ävver irjendjet es anders ...

Der Spillplatz zwesche der Hüüser es leer un die Minsche op der Stroß han su eine jecke Lappe vür der Schnüss.

Die Mam vum Max jejenövver is och at sick e paar Dach malad un hä kütt desweje nit mih erus zum Spille.

Och der Schullhoff am Engk vun der Stroß es leer, un üvverhaup läuf alles jet höösch.





Vire sin esu klein, dat mer se nit sinn
kann – noch vill kleiner wie Sandkörncher!
Desweje bemerke mir die off jar net.

De Mam vum Kim säht, dat et ene neue Virus jit.
Desweje sin die Minsche jetz e bessche vürsichtiger.
Besonders, wenn se eruss jon.

Obwohl die esu klein sin, weede mer manchmal krank vun denne.
Dat es kein Absicht, ävver et kann vürkumme – su wie Sand em Schoh.





Wenn mer neeß oder hos,
dann verdeile sich die Vire in der Luff.



Andere Minsche in der Nöh
künnne die enodeme, un esu
verbreide sich die Vire.



Besser es et dodröm, en der ejene Ärm erin zo
hoste, dann verdeile sich die Vire nit en der Luff
un andere Lück dun se nit enodeme – un keiner
weed krank.



Su eine Lappe vür der Muul un der Nas
hilf och dobei, die Vire nit zo verdeile.



Öm janz secher zo jon, kann mer jet mieh Avstand
wie söns zo dä andere Lück halde. Dann künne eine
die Vire jarnet krije!


Sich de Häng jevve oder ömärme
jeiht su natürlich nit.



Dat es schad, denn wenn
mer sich freut, dat mer eine
süht, dann möch mer dä jo
och ömärme.


Ävver et mäht jo och Spass, sich ens
neue un löstige Bejrößunge uszudenke.

Kim üvverläft: Op der Stroß kann mer jot Avstand
vunenander halde. Ävver wat mäht mer in der Hüuser?




Jot, dat die Kita im Momang nit op hät.
Su vill Pänz un Jruße zesamme en einem
kleine Raum ... do wör et wirklich schwer,
Avstand ze halde!


Deswäge hät och et Schwemmbad zo.



Un dä Zoo.



Un et Kino.



All die Plätz, wo normalerwies
vill Minsche zosammekumme.
Zom Jlöck hät dä Supermaat noch op.



Do kann die Mam vum Kim all die jode Saache för eue
leckere Pudding kaufe. Kim spillt su lang Irrjade.



Op welchem Wääch jeiht Kim zum Pudding un dann zo der Kass,
ohne dat em andere Kunde bejähne?

Wedder doheim wäsche sich
allebeids eets ens de Häng.



Die Seif wäsch all Vire fott.

Kim sing dobei e Leedche,
dann mäht et mieh Spass!

Echte Fründe ston zesamme ...



Met bletzeblanke Häng künne die Mam
un Kim jet Schönes koch'e.

Dat mäht och ens Freud,
wenn söns nit vill los es!



Un Pudding schmeck
ech immer jot!

Kim es möd un jeiht en et Bett.
Die Mam liss noch e Boch vür,
domet Kim jot enschlofe kann.

Schlaf jot, Kim!



Woröm blieven all die Lück doheim?

Et eetste mol jedruck woodt dat Boch em Johr 2020.

**Jemaht un jemolt vum Claus Daniel Herrmann
Jenau drüvver jelurt hät dä Roman Jungblut**

**Die kölsche Wörder han der Manfred Söntgen vun www.paenzverlag.de
un der Peter Zillig jesök un jefunge.**

**Mitjemaht han och noch
et Constanze Guelle, Erziehungswissenschaftlerin un der
Dr. Timo Lindenschmidt, Kinder- und Jugendlichenpsychotherapeut
un och noch der Witold Rak, Allgemeinmediziner**

www.warumbleibenallezuhause.de